

موجودات اولان حضرت فخر عالم (صلی الله علیه وسلم) بونک - حاشا -
فرقنده اولمایور ؟

نه یالان سویله یلم ، بز دارالحکمة الاسلامیه اعضاسندن بولنان بر
ذاندن اساسات دینییه تعلق ایدن بوقدر صریح بر خطانک صدور
ایده بیله جکئی هیچده تخمین ایتیموردق . بیلور ایدک که : آقاده می
اعضالینک ، آنسیقلوبه دی صاحبزینک سوزلری عادتاً حجت مقامنده
قوللانیلیر ؛ بالخاصه منسوب بولونقلری مسلکه عائد اولورسه !
بز قطعاً امین بولنیورز که : دارالحکمة الاسلامیه ، اعضاسندن
بی طرفندن صدور ایدن شوخطای عظیمی هر حالده تصحیح ، اسلامک
نیسی حقنده وقوع بولان شوافترای صریحی کال قطعیتله ردایده جکدر [۱].
مع مافیه پیغمبری هرشی دن زیاده سوهن بر مسلمان اولق حسیله
بزده بو بایده اوزریمزه ترتب ایدن بر وظیفه دینییه ایضا ایتکدن
دورمایه جغز . هر حالده توفیق و هدایت المهدن در . آقسه کیلی

احمد محمدی

مسکراتک ممنوعیت دینییه سی و قانوناً منعی

مسکراتک منع استعمالی ایچون عالم مدینتک تشبثات عظیمه ده
بولدیفنی واز جمله کچن تموز ابتداسندن بری آمریکا حکومت
متحده سنده مسکراتک کلیاً منع اولدیفنی صحائف مطبوعاته اوقیورز .
وجود انسانی تخریب ایدن و تفسخه اوغراتان بر ماده یه قارشی آجیلان
بوجاهده می بز مسلمانلرک ، نظر عبرتدن زیاده ، نظر تقدیر ایله تعقیب
ایده جکمز بک طبعیدر . نظر تقدیر ایله دیورز ، چونکه دین اسلام
مسکراتی قطعاً تحریم ایدرک قطره سینه بیله مساعده و یرمه مش ، اونی
استعمال ایدنلره بر جزای شرعی تعیین ایتش و تطبیقی قوه اجراییه
تحمیل ایشدر . بوندن طولاییدر که وجدان عمومی اسلام هپ مسکراته
نظر نقرتله باقش ، و مسکراتی قوللانانلری قبیح ایده گلشدر .
مع التأسف صوک زمانلرده مسکراتی استعمال ایدنلر ، اهل اسلام آره سنده ده
جو غالمشدر . فقط مسکرات ، وجدان امت حضورنده دام الحبائث ،
موقمنده قالمش و اونی قوللانانلر دائماً کهنکار طانمشدر . حتی بو کهنکارلر
دخی ارتکاب ایتدکلری کیرمک ممنوعیت دینییه سینه آکاه و اونک
جزاسنه مستحق اولدقلرینه ، داردنیاده جزالری بولماز و توبه ایتزلرسه
آخرتده بو جزایه اوغرایه جقلرینه معتقددرلر . آنجق محیطک بو کچی
ارتکاباتی خوش کورمسی و بعضی سهولتلر کورلمسی بونلرک تمادی
عصیانیه سبب اولیور . مع مافیه شو حقیقت توضیح ایدیور که عصات
امت ده داخل اولدیفنی حالده بتون امت اسلامیه شریعت مطهره ک
مسکرات اعمال و استعمالی خصوصنده وضع ایتدیکی ممنوعیت قطعیه
رعایتکاردر .

[۱] امیدایدرز که بونک هر ناسل ایسه بر اثر سهو اولدیفنی بالذات راسم
افندی ده اعتراف ایده جکلردر . چونکه بوقدر بین بر خطاده اصرار ایدیلر جکئی
تصور ایده میورز .

بناء علیه مسکراتی منع ایتک واورته دن قالدیرمق مسئله سی ، حکومت
اسلامیه نک وظیفه سن تقدیر ایتشی واهمال مهادیسی بر آن اول تلافی
ایتمسی مسئله سیدر . وجدان امتک ممنوع طانیدیفنی بر ماده یی حکومتک
مباح طانیسنه مساع اوله ماز . دنیانک هر طرفنده مسکرات استعمالی
اعتیادنی اورته دن قالدیرمق ایچون وقوع بولان تشبثاتک اک مهم واک
مشرقسیمی انسانک مسکراتی حکومتک اجباریله دکل ، کندی اختیاریه
ممنوع طانیسه سی و بناء علیه اونی قوللانامسی فکرینی تأسیسه مصر و قدر .
بزده ایسه ، بو کونکی حاله نظراً ایش عکسنه جریان ایدیور . ملتزم ،
فرمان الهییه اعتیاداً ، مسکراتک ممنوعیتنه معتقد اولدیفنی حالده قوه
اجرائیه بوندن استفاده ایتیه رک بوعنصر اضمحلال اولان مایه مک
مسلط ایدن قابولری آجیق یراقیور !

بو کون اولا غریبه مسکراتی قالدیرمق ایچون چالیشانلرک فصل
بربول تعقیب ایتدکلرینی تدقیق ایده لم :

غریبه مسکراتک جبراً منعی ترویج ایدنلر واردر . بونلر مسکراتک
مادی و معنوی ضررلری نظر اعتباره آله رق و علمک بوصدده و بر-
دیکی حکمه استناد ایدرک حکومتلری بویوله حرکته تشویق ایدیورلر .
بو طریق التزام ایدنلر حکومتلرک تا اسکی دورلردن بری مسکرات
تجارتیه دائماً بر طاقم ممنوعیتلر وضع ایتدیکی و بو کونه قدر بونک دوام
ایلدیکئی ، مثلاً بریتانیاده مسکراتک معین زمانلرده صالتدیفنی ،
آمریقا ده ایسه بو ممنوعیتلرک درلو درلوسنک تطبیق اولوندیفنی واز جمله
قرق سینه مقدم بعض مواد تجاریه نک بر جوق تدابیر مانعه تحتنده موقع
تجاریه وضع ایدلیدیکی ، بو کون ایسه آمریکا حکومت متحده سندن
قرق ایکی حکومتک مسکراتی منع ایتدیکی و بناء علیه بوراده مشروبات
کثولیه نک اعمال و استعمالک کلیاً بر طرف اولدیفنی ، بونک محسنات
وفیره سی مشاهده ایدلیدیکی در میان ایدیورلر . بوندن ماعدال سوچ ده ،
نوروه چده ، فرانسه ده ، اسویجرده ، بلجیقاده فلمنکده و دیگر
اوروپا مملکتلرنده مشروبات کثولیه نک عابنده بر جوق ممنوعیتلری
متضمن قانونلیر وضع ایدلکده در . حتی آفریقانک (سیه ره اونا) ،
شمالی (نیزه) ، (صومال) ، (آفریقای شرقی) ، (اوغاندا) ، (نیاسا)
اراضیسنده ، (شمالی رود زیا) ، (په جوا) و (یاتوسوتولاند) کچی
یرلرنده مسکرات حقنده بر جوق اشکال ممنوعیت واردر . آسترالیاده
(یکی زلاند) مسکراتک منعی ایچون عظیم تشبثلرده بولونیلیور .
بناء علیه مسکراتک کاملاً منعی حکومتلرجه اجرا ایدلمسی لازم کلن
برایشدر ، دیورلر .

اوتیه طرفدن بو طریق التزام ایدنلره مجازض اولانلر وار ، بونلره
کوره ردیلتک ایقاعنه امکان بر اقامقله اوکا مانع اولق کرچه بر طریق
مجاهده در . فقط بو نوع مجاهده عقامته محکومدر ، چونکه بویله یا بقله
ردیلت ظاهر آغاب اولور . فقط خفی بر صورتده نشوونما بولور و فرصت
وقوعنده اک مدهش صورتده انفلاق ایدر . بناء علیه بر شیک منعه موفق
اولق ایچون اونک وجدان عمومی طرفندن ممنوعیتنه قرار و یریلر سی اقتضا

ایدر. بوفکر اساساً پک طوغریدر. وجدان عمومینک قراری، برشیک ممنوعیتی تسجیل ایدمک ال سیوک قوتدر!

وجدان عمومی اسلام، مسکراتک مضرتنه و تخریبانه بناء اونی تحریم ایدن امر الهی بی تاقی بالقبول ایتیش و بوتلقیسی اصلا ده کیشمه. مشدر. بناء علیه مسکراتک قوه اجرائیه طرفندن اورتدن قالدیرلسی و تماماً منع اولونمسی وجدان امت طرفندن شکران ایله قارشیلانمحق بر حرکت مبرورمدر. حال بوکه غریبه مسکراتک ممنوعیتنه قارشى طوران بر جماعت ده کلیسا رجالیدر. شوراجقده صلاحیتدار کلیسا رجالدن برینک سوزلری نقل ایدمکچکم. بوسوزلرک محرری (هیرفور) یسقبوسی «هیربرت هامسنلی هسنولنه» در. کندیسى انکلیز کلیسا سنک برچوق موقعلری اشغال ایتیش، مسائل عمومیه ده پک مهم یازیلر یازمش و انکلترونک ال معروف واعظلرندن اوله رق طائش در و متعدد تألیفات فلسفیه سی، کلیسائیات والهیات حقنده خیلى یازیلری واردر. مومی الیه دیورکه:

«خریستیان کلیساسنک، مشروبات کثولیه نك حیات اجتماعیه بی تخریب ایدن برزهر اولدیغی و بوزهرک ضررسز برصورنده قوللانیله میه جفی ادعا ایدنلرک دعواسی تأیید ایتسی تامیله امکانسزدر (!) کرک کتاب مقدس، کرک جماعت مقدسه ایله کلیسا رجالی بوکی مشروباتی نعم طیبیه الهیه! اوله رق کوستریور. و خریستیانلر بو نعمتری شکران ایله قبول ایدمک اعتدال ایله استعمال ایدیورلر (!) بعضی غیر ممنونلر تربیه و تحصیللرنک نقصانه بناء کتاب مقدسه کی شرابک بتخمر اولدیغی، حتی بعضیلری حضرت مسیحک قدحنده کی مشروبک سودن بشقه برشی اولدیغی ادعا ایدیورلر. بیکلرجه دفعه تکذیب اولندقدن صوکره بوکی جنتلرک رواج بولسی انسانى یأسه دوشوریور. خریستیانلر مشروبات کثولیه بی معتدل بر صورنده قوللانمده دوام ایدمکله و بو اعتیادلرنده دوام ایدمکچکدر (!) بونک منی حکومتله کلیسا آرمسند کسکین برمنازعه به سائق اوله جقدر (!) خریستیانلرک مساعده ایتدیکی مشروباتی (حیات اجتماعیه مضر) نامی آلتنده منع ایتمک ده قانون نامنه برجنتر (!)»

ایشته بوکی ملاحظاته بناء آمریقایلرک مشروبات کثولیه بی منع ایتلری خفت آمیز بر حرکت تلقی اولونیور. خریستیان کلیساسنک نا قابل اهل بر قوت اولسنه و بو قوتک منع مسکراته حائل اوله جغه بناء «دین ایله علم» آرمسند عظیم بر مجادله نك وقوع بوله جفی و بولمده اولدیغی آشکاردر. آوروپاده «دین ایله علم» آرمسند بر منازعه اوله رق قبول اوله جق بو مسئله بزجه بوماهیتی حائر دکدر. بالعکس شریعت مظهره من کافه احکامنده بشرک عقلنی، بدننی، حالی و حریتی محافظه ایتیه ایستداف ایتدیکندن احکام شرعیه نك علمله مجادله ایدمک هیچ بر حکمی یوقدر. «علم» ک ادیان سائرده وقوع بولان منازعاتی دینمه شامل دکدر.

کورولویورکه بونقطه ده دخی اسلام و خریستیان تلقیلری یکدیگریه مخالفدر. بزم مملکتسزده مسکراتک منی دین اسلامدن ال قطعی تأییدی و وجدان امتدن ال قوتلی مظاهرتی حائر اولدیغی حاله غریبه اوله دکدر. کلیسا بوکا مخالفت ایتمکده اولدیغی کی وجدان عمومی ده مخالفدر. بزم مملکتسزده، مسکراتک ممنوعیت دینه سنی قانوناده

تطبيق ایتک ایچون هیچ بر مانع یوقدر. بالعکس ممنوعیت دینه نك خلافته بوکی محرمانه بر جریان ایاچی و یرمکه قدر کیدن اهماللر و بالخاصه حکومت طرفندن وقوع بولان مناسبتسز مسامحه لریوزندن مملکتسزک عظیم ضررلر اوغراه ایتی کورولیور. مملکتی بو بلادن قورتارمق قوه اجرائیه نك التدمدر. وقوه اجرائیه منک، سلامت مملکت نامنه بو تدییری اتخاذ ایتسی، اونک طرف شارعدن مکلف اولدیغی ال مهم وظیفه لرندن بریدر.

بناء علیه شیخ الاسلام افندی حضرتلرنک بو مهم مسئله بی نظر اعتباره آلهرق حکومتجه بو وظیفه شرعیه نك ایفای ایچون تشبثات لازمه ده بولونملری لازم کلیر.

مسکراتی مملکتسزده قطعی سورنده منع ایتمکله کیمسه اقتدا و کیمسه بی تقلید ایتمش، آنحق شریعت مظهره نك انسانلر ایچون محض رحمت اولان احکام جلیله سنی موقت بر اهلان صوکره تکرار موقع تطبیقه وضع ایتیش اوله جفر.

بوندن صوکره نظر اعتباره آلنمی اقتضا ایدن جهت دینمک مسکراتی تحریم ایتمسند کی حکمت ایله علم حاضرک مسکراتی تحریم ایچون کوستردیکی اسباب موجب بی ایضاح ایتمکدر. بونی ده آریجه عرض ایدمکچک.

عمر رضا

خاندان آل عثمانک حسیات دیندارانه لری

کچنلرده اجرا قلندیغی یازدیغیز کریمه عصمت و سیمه جناب خلافتناهی ایله شهزاده عمر فاروق افندی حضرتلرنک عقد میمنلری مناسبتیه جمعیت خیریه اسلامییه کاتب عمومیلکی طرفندن جمعیتک رئیس عالیمی ولیعهد سلطنت سنیه دولتاو نجابتلو عبدالمجید افندی حضرتلرنه تقدیم اولوان تبریکنامه به مشارالیه ولیعهد حضرتلری طرفندن و بریلن جواب براهمت مخصوصه بی حائر اولدیغی جهته الهه ایدیلن برصورتی عیناً درج ستون افتخار ایلوروز:

«کریمه حضرت خلافتناهی ایله اوغلم عمر الفاروقک نکاحلری، «یوم میمننک مولد فخر کائناتده» حضور فیض اشور خرقه سعادتده، «اجراسی ملاسه سیله واقع اولان بیانات محبانلری باعث ممنونیت، «اولاشدر. له الحمد خاندان آل عثمان حرمین شریفنک برر خدمتکار، «مطیع و متقادی اوله رق یالکیز اوسایه ده ملت یکوجود و اسلامک، «دارینده سعادت و کلمه اللهک اعلاى شرفی بحمدالله استکماله موفق، «اولدقلرندن موهبه ربانیه اولان اوباب نجابتک عتبه فلکمرتبه سندن، «مادام الملوان کمال خضوع ایله نیاز فوز و صلاح ایتک عائله سلطنت، «سنیه ایچون دائماً باعث یمین و فلاح اوله جفی بی اشتباه بولمقله او خدمت، «عبودیت عالیه و دینه دن بوخاندانی بر دقیقه مهجور براقامسنی و بالعموم، «اخوان مؤمننک نائل حضور آمال بویورلسنی بارکاه ذوالجلالان، «تضرع ایتمکده و بووسیله حسنه ایله جمعیت خیریه اسلامییه اعضای، «گرامنه تشکر ایتمکده بولندیغیمک تبلیغه همت بیورلسنی رجایدرم.»

عبدالمجید